

# C A I B. VII.

's iad sin teaghlaichean Reuben.

15 Agus mic Shimeoin; Gemuel, agus Iamin, agus Ohad, agus Iachin, agus Sobar, agus Saul mac Ban-chanaanaich: 's iad sin teaghlaichean Shimeoin.

16 Agus 's iad sin ainmeanna mhac Lebhi, a réir an ginealach; Gerson, agus Cohat, agus Merari; agus *b'iad* bliadhnacha beatha Lebhi ceud agus seachd bliadhna deug 'ar fhichead.

17 Mic Gherfoin; Libni, agus Simi, a réir an teaghlaichean.

18 Agus mic Chohait; Amram, agus Idshar, agus Hebron, agus Udsiel: agus *b'iad* bliadhnacha beatha Chohait ceud agus tri bliadhna deug 'ar fhichead.

19 Agus mic Mherari; Mahali agus Mufi: 's iad sin teaghlaichean Lebhi, a réir an ginealach.

20 Agus ghabh Amram Iochebed piuthar-athar dha féin 'na mnaoi; agus rug i dha Aaron agus Maois: agus *b'iad* bliadhnacha beatha Amrain ceud agus seachd bliadhna deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsiel; Misacl, agus Elaphan, agus Sitri.

23 Agus ghabh Aaron Eliseba nighean Aminadaib, piuthar Naaoim, dha féin 'na mnaoi; agus rug i dha Nadab agus Abihu, Eleasar agus Itamar.

24 Agus mic Choraih; Afir, agus Elcanah, agus Abiasaph: 's iad sin teaghlaichean nan Corahach.

25 Agus ghabh Eleasar mac

Aaroin *aon* do nigheanaibh Phutiel dha féin 'na mnaoi; agus rug i dha Phinehas: 's iad sin ceannardan aithreacha nan Lebhitheach, a réir an teaghlaichean.

26 'S *iad* fo an t-Aaron agus am Maois ud, ris an d'thubhairt an Tighearna, Thugaibh amach clann Israeil a talamh na h-Eiphit, a réir an flògh <sup>a</sup>.

27 'S *iad* fo iadsan a labhair re Pharaoh righ na h-Eiphit, a chum clann Israeil a thoirt a mach as an Eiphit: 's *iad* fo am Maois agus an t-Aaron ud.

28 Agus tharladh 'fan là air an do labhair an Tighearna re Maois ann an tìr na h-Eiphit,

29 Gu'n do labhair an Tighearna re Maois, ag ràdh, Is mise an Tighearna; labhair thu fa re Pharaoh righ na h-Eiphit gach *ni* a their mi riut.

30 Agus thubhairt Maois 'an lathair an Tighearna, Feuch, ata mise neo-thimchioll-ghearrt' a'm' bhilibh, agus cionnus a dh'éifdeas Pharaoh rium?

# C A I B. VII.

**A**GUS thubhairt an Tighearna re Maois, Feuch, rinn mi thu a'd' dhia do Pharaoh: agus bithidh do bhràthair Aaron 'na fhàidh agad.

2 Labhraidh tufa gach *ni* a dh'aithneas mise dhuit: agus labhraidh Aaron do bhràthair re Pharaoh, efan a chur cloinn Israeil a mach as a thìr.

3 Agus cruadhaichidh mise cridhe Pharaoh, agus ni mi mo chomharan agus m'iongantasan <sup>b</sup> lionmhor ann an tìr na h-Eiphit.

4 Ach cha 'n éifd Pharaoh ribh

<sup>a</sup> a réir an armailtean.      <sup>b</sup> mo mhlòrbhuilean.